

CARNAVAL MAS GRANDI CU AÑA PASA

ORANJESTAD(AAN):

Tanto na San Nicolas como na Playa Paradan di Carnaval 1998 a resulta poco mas grandi cu aña pasa, esta cu mas o menos 100 mas participante cu na 1997 na San Nicolas y mas o menos 200 mas na Playa compara cu 1997, local por mira den cifranan di paradan den otro parti di e edicion aki.

SAN NICOLAS

Na San Nicolas di e 14 gruponan cu a presenta, Tabata Coastal Club, Dream Team, y Los Laga Bay cu tabata e gruponan grandi impresionante pa nan presentacion.

Los Laga Bay tabata e grupo mas anima na San Nicolas, pero no por keda sin menciona e animacion di Dream Team cu tabata hopi bon tambe.

Di e gruponan mediano den carnaval, a sobre sali grupo di Savaneta cu Cocktail Fantasy, Hospy Jollies, A touch of Brazil, y Marinierskazerna, mientras cu e otro gruponan tabata mas bien gruponan chiquito bao di 100 participante, manera Fantasia di Heroe Hercules di Biblioteca Nacional, Colegio Arubano, Tiki Loco, Grupo Nos Tey cu Willem III Toren, Actuacion den KIA, y tabata tin e man yen di Bill y su chick, y the King of Universe and his disciples.

Na San Nicolas Coastal Club a bay cu mayoria di e premio nan grandi, y riba caya caba por a nota cu tur hende tabata papia den e direccion aki, mientras cu Dream Team a wordo elogia pa su luho y presentacion.

Los Laga Bay manera custumber tabata Jolly, y masha bunita papel a ser hunga pa Savaneta cu su Cocktailnan y A Touch of Brasil di Wan Boy.

E carosa di Topcar, a trece cune un movecion nobo cu sigur den añanan venidero lo wordo sigui pa otro empresanan, terciendo bak manera antes tabata e caso e carosanan comercial, mientras cu un biaha mas a haya falta di gruponan comercial den parada.

Di comercial, ta solamente e roadpiece di Savaneta cu Amstel y su escudo a cay

den premionan como e unico roadpiece netamente comercial. E roadpiece di Blue Lady, Fruitpunch y Margarita a wordo hopi elogia pa su acabada artistico.

Marinierskazerna a presenta simpel cu nan carosa y grupo historico, simbolizando e entrega di mando di Hong Kong na chinesnan 1 di juli aña pasa.

ORANJESTAD

Na Oranjestad, ta casi e mes gruponan a participa, cu mas roadpiece, mientras cu e grupo Fantasia di Antifaz di Noord a ricibi masha elogia, y ta ser mira como e competencia den futuro pa Los Laga Bay. Por a nota tambe cu varios ex Los Laga Bay tabata forma parti di Noord. Hopi caminda rond di e ruta a ser comenta riba e grupo aki cu lo ta un di e fuertenan di futuro.

Hospijollies no a sobre sali e aña aki manera den pasado, sinembargo a presenta un bunita papel cu nan Eclipse Solar.

Na playa tambe por a nota na ruta di parada cu e inclinacion di favoritismo di publico tabata hopi den direccion di Coastal tambe, mientras cu Dream Team tambe a haya su elogionan pa su bunita.

Los Laga bay a keda e grupo di mas jolly, pero cerca di dje tabata tin tambe Noord.

MUSICA

Musica a keda igual mas o menos compara cu aña pasa.

Na San Nicolas e bandanan a zona hopi mihor cu na Playa, pero mester tene cuenta cu na Playa, ningun di e bandanan no ta 100 porciento mas, mirando nan actuacionnan for di diaviera mainta cu paradan escolar, pasa pa otro actividadnan, Jouvert Morning, parada na San Nicolas y sigui pa Parada di Playa.

A haya falta e aña aki di Hubo College Girls cu no tabata den parada como Brassband, di manera cu ta 3 so Youth Brass, D2U 365 y Energie a tuma caya pa nan so.

Soundssystemnan tambe a baha pa e dos paradan y pa Jouvert Morning, mientras cu tabata tin un aumento di carosa, principalmente na Playa.

SALIDA Y YEGADA

Na San Nicolas e parada a dura 2 ora for di momento cu e prome yega dilanti un lugar y pa ora cu e ultio grupo pasa.

E parada a cuminsa 2 or y 6 or e prome grupo a yega Joe Laveist Sport.

Na Playa el a dura 2 ora y mey y pa 6 or tambe e prome grupo a yega na Stadion Guillermo Trinidad.

UTA

E ruta nobo na playa tabata tin su cometracionan positivo y negativo, y ta algo cu lo mester bay reuni ariba for di awor caba pa prepara pa parada di carnaval 45 cu lo

ta hopi mas grandi. E dianan aki lo tende e cometracionan relaciona cu esaki. Un sonido formidable den Emanstraat, e poco publico for di DOW bay rond, wayanan di coriente mucho abao y cu a kibra algun pieza di e gruponan, lago pa un, masha bon pa otro, ningun problema gandi, hopi problema chiquito, tabata

comentracionan cu por a scucha.


Lo no ta straño si bin tende cu otro aña e parada lo sigui te na Ling and Sons, manera por a tende comentracionan. E aña mescos cu aña pasa e pida di Sonesta pa DOW atrobe a muestra di ta un trayecto di problema cu mester di solucion.

TELEFONNAN DI DIARIO
826747- FAX 828551



Assance Development N.V.

**UNIQUE
LEASING
OPPORTUNITIES**



**Prime Real Estate Leasing Company
INVITES PROSPECTIVE TENNANTS
FOR**

**Prime Retail & Office Space
Caya G.F. (Betico) Croes # 16
next to "Little Switzerland"**
and

**Havenstraat 25
next to "Chez Mathilde"**

OFFERS TO INCLUDE:

- Brief Company History
- Brief Business Plan

PLEASE SEND YOUR BIDS TO:

**Assance Development N.V.
L.G. Smith Boulevard 58
Oranjestad - Aruba**